

ՔԱՂ.ԽՈՐՀՐԴԻ ՆԻՍ

ԿԱՅԱՑԱԾ 30.08.2011 Թ

ԱՐՁԱՆԱԳՐՈՒԹՅՈՒՆ ԹԻՎ 1

Նիստին ներկա էին Նոյեմբերյան քաղաքային համայնքի ղեկավարի աշխատակազմը, քաղաքապետարանի ենթակայության հիմնարկների տնօրենները, հիմնարկների աշխատակիցները և Նոյեմբերյան համայնքի բնակիչներ:

Նիստը վարեց Նոյեմբերյանի քաղաքապետ Վանուշ Ամիրադյանը:

### Օրակարգ

1. Մեփական եկամուտների վերաբերյալ հաղորդումներ
2. Կատարված աշխատանքների մասին հաղորդումներ
3. Զոհված ազատամարտիկների անվամբ հուշակոթող կառուցելու նպատակով մտքերի փոխանակում
4. Նոյեմբերյանի թիվ 1 և թիվ 2 մանկապարտեզների ՀՈԱԿ վերակազմավորման մասին
5. „Վարձատրվող հասարակական աշխատանքներ„ ծրագրի դադարեցման մասին

## **1. Սեփական եկամուտների վերաբերյալ հաղորդումներ**

*/գեկուցող քաղաքապետ Վ.Ամիրադյան/*

Համայնքի ղեկավարը մանրամասն ներկայացրեց սեփական եկամուտների հետ կապված հարցի շուրջ պարզաբանումներ: Նա նշեց, որ սեփական եկամուտները մեծ նշանակություն ունեն համայնքի բյուջեի ձևավորման հարցում և մեր համայնքի համար կարևորագույն խնդիրները լուծվում են հենց դրանց միջոցով: Նշեց նաև, որ հարկերի հավաքագրման տոկոսները բարձր են և ուրախացնող: Ներկայացրեց յուրաքանչյուր հարկատեսակ և հարկերի կատարման տոկոսային հարաբերությունները:

Այնուամենայնիվ նա խնդրեց ներկաներին և քաղաքի ազգաբնակչությանն էլ ավելի ակտիվ լինել իրենց իսկ հարկային պարտավորությունների կատարման հարցում:

## **2. Կատարված աշխատանքների մասին հաղորդումներ**

*/գեկուցող քաղաքապետ Վ.Ամիրադյան/*

Քաղաքապետը ներկաներին տեղեկացրեց քաղաքում կատարվող շինարարական աշխատանքների մասին: Ներկայացրեց Նոյեմբերյան քաղաքի Դպրոցականների փողոցի մի հատվածի հիմնանորգման մասին, որը ֆինանսավորվել է պետական բյուջեի կողմից և պլանավորված է հիմնանորոգումը մինչև Կամոյի փողոցի հետ հատման կետը:

Նշեց, որ բազմաբնակարան շենքերի տանիքները վերանորոգման ենթակա են և դրանց համար ևս հատկացված է գումար:

Քաղաքի լուսավորությունը համարվում է քաղաքի ամենակարևորագույն հարցերից մեկը: Քաղաքի կենտրոնական հատվածը արդեն իսկ ապահովված է գիշերային լուսավորությամբ, իսկ ծայրամասերում այդ հարցը նույնպես կլուծվի մոտ ապագայում:

## **3. Չոհված ազատամարտիկների անվամբ հուշակոթող կառուցելու նպատակով մտքերի փոխանակում**

*/գեկուցող քաղաքապետ Վ.Ամիրադյան/*

Նա նշեց, որ կարևորագույն հարցերից մեկն էլ Չոհված ազատամարտիկների անվամբ հուշակոթող կառուցելն է:

Նաև հորդորեց ժողովրդին ակտիվորեն մասնակցել հուշակոթողի կառուցման վայրի ընտրմանը: Տեղեկացրեց, որ հուշակոթող կառուցելու նպատակով կազմակերպվելու է հանգանակություն, որից գոյացած գումարը ամբողջությամբ կօգտագործվի հուշակոթողի կառուցման համար:

**4. Նոյեմբերյանի թիվ 1 և թիվ 2 մանկապարտեզների ՀՈԱԿ վերակազմավորման մասին**

*/գեկուցող քաղաքապետ Վ.Ամիրադյան/*

Համայնքի ղեկավարը ներկաներին իրազեկեց Նոյեմբերյանի թիվ 1 և թիվ 2 մանկապարտեզների որպես ՀՈԱԿ վերակազմավորման մասին: Համայնքի ավագանու որոշմամբ հաստատված է ՀՈԱԿ-ի կանոնադրությունները և որ մնացած գործընթացը ընթացքի մեջ է:


**5. „Վարձատրվող հասարակական աշխատանքներ,, ծրագրի դադարեցման մասին**

*/գեկուցող քաղաքապետ Վ.Ամիրադյան/*

„Վարձատրվող հասարակական աշխատանքներ,, ծրագիրը դադարեցվել է, որը և ղեկավարացնում է քաղաքում իրականացվող աշխատանքների բարձր որակով կատարելը: Նշեց, որ խնդրանքով դիմել են կառավարություն ծրագիրը վերականգնելու համար:

Միաժամանակ նա քաղաքապետարանի ենթակայության հիմնարկների տնօրեններին հանձնարարեց յուրաքանչյուրին իրենց իրավասության սահմաններում նախապատրաստել իրենց ֆինանսական պահանջները 2012 թ համար բյուջեում ներառելու նպատակով:

ՆՈՅԵՄԲԵՐՅԱՆԻ ՔԱՂԱՔԱՊԵՏ



ՎԱՆՈՒՇ ԱՄԻՐԱԴՅԱՆ

ՔԱՐՏՈՒՂԱՐ



ԱՐՄԻՆԵ ԱՄԻՐԱԴՅԱՆ